

四庫全書

子部

欽定四庫全書

子部五

宣明方論

醫家類

提要

臣等謹案宣明方論十五卷金劉完素撰是書皆對病處方之法首諸證門自煎厥薄厥餐洩膜脹以及諸痺心疝凡六十一證皆采用內經諸篇每證各有主治之方一宗仲景次諸風次熱次傷寒次積聚次水濕次痰飲

次勞次洩痢次婦人次補養次諸痛次痔瘻  
次眼目次小兒次襍病共十七門每門各有  
總論亦發明運氣之理兼及諸家方論於軒  
岐奧旨實有所闡發而多用涼劑偏主其說  
者不無流弊在善用者消息之耳攷原病式  
自序云作醫方精要宣明論一部三卷十萬  
餘言今刊入河間六書者乃有十五卷其二  
卷之菊葉法薄荷白檀湯四卷之妙功藏用

九十二卷之華澄茹丸補中丸楮實子丸皆  
注新增字而七卷之信香十方青金膏不注  
新增字者據其方下小序稱灌頂法王子所  
傳併有偈呪金時安有灌頂法王顯為元明  
以後之方則竄入而不注者不知其幾矣卷  
增於舊殆以是歟乾隆四十六年十月恭校  
上

總纂官臣紀昀臣陸錫熊臣孫士毅



總校官臣陸費墀

欽定四庫全書

宣明方論卷一

金 劉完素 撰

諸證門

諸證總論

黃帝曰善言天者必驗於人善言古者必合於今善言人者必厭於己如道不惑所謂明也余問夫子言而可知視而可見捫而可得今驗於發蒙解惑可得聞乎

岐伯稽首對曰何道之間也天覆地載萬物悉備莫貴於人人以天地之氣生四時之法成君王宰職黎庶盡欲全形貴賤雖殊寶命一矣好生惡死者是世人之常也若人有患如救水火莫待留淫日深著於骨髓所以難矣

素問諸證畧備具題

煎厥之狀陽氣煩勞精絕辟積於夏致目盲不可視耳閉不可聽薄厥之狀陽氣大怒形氣絕而血菀於上膜

脹飧泄寒熱不散升降上下顏疝心掣寒多下墜以為  
諸疝心熱內掣陰陽之結四肢浮腫便血不已蠱癰之  
病腎氣不足冤熱勑急白液出跳掣也膀胱不利致三  
焦約而遺溺腎精不足強上冥視唾之若涕惡風振寒  
為之勞風雖近衣絮榮虛衛實名曰肉苛心移寒於肺  
則肺消肺移寒於腎為湧水心移熱於肺為膈消膽移  
熱於腦為肺淵膀胱移熱於小腸為口糜大腸移熱於  
胃為食飧熱盛則陽絡溢陽絡溢為衄衄醉以入房氣

竭傷肝大脫其血月事衰少名曰血枯蘊熱怫鬱生於諸風寒濕風之三氣雜合而為諸痺宗筋縱發為白淫熱聚胃口而不散行故胃脘為癰面色白黑所謂瘀筋口苦積熱名之膽痺腎虛內奪則為瘖痺血氣竭少令人解你腹滿不食寒中腸泄斯病驚瘡腰股痛發肘腫不便寒生濡泄聊敘此證不能備舉

煎厥證 主熱

陽氣煩勞積於夏令熱厥目盲不可視耳閉不可聽

人參散 主之治煎厥氣逆頭目昏憤聽不聞目不明  
七氣善怒

人參

遠志

去心

赤茯苓

去皮

防風

去苗

以上各二兩

芍藥

麥門冬

去心

陳皮

去白

白朮

以上各一兩

右為末每服三錢水一盞半煎至八分去滓溫服不  
計時候日再服

薄厥證

主肝

陽氣大怒則形氣絕而血脈菀於上令人薄厥於胸中

赤茯苓湯 主之治薄厥恭怒則傷肝氣逆胸中不和甚則嘔血衄也

赤茯苓

去皮

人參

桔梗

陳皮

各一兩

芍藥

麥門

冬

去心

檳榔

各半兩

右為末每服三錢水一盞生薑五片同煎至八分去滓溫服不計時候

飧洩證 主冷

清氣在下則生飧洩清濁交錯食不化而清穀出矣

白朮湯 主之治飧洩風冷入中洩痢不止脈虛而細  
日夜數行口乾腹痛不已

白朮 厚朴 生薑 當歸 去苗 龍骨 各一兩 艾葉 半兩  
製

右為末每服三錢水一盞生薑三片同煎至八分去  
滓空心溫服

臍脹證 主心腹

濁氣在上則生臍脹此陰陽返則氣結不散脹滿常如  
飽



吳茱萸湯 主之治膈脹陰盛生寒腹滿膈脹且常常如飽不欲飲食進之無味

吳茱萸

湯淘炒

厚朴

生薑製

官桂

去皮

乾薑

炮各二兩

白朮

陳皮

去白

蜀椒

出子各半兩

右為末每服三錢水一大盞生薑三片同煎至八分空心去滓溫服

風消證 主心脾

二陽之病心脾不得隱曲女人月水病血不流脾病食

不化風勝真氣消

黃耆羌活散 主之治心脾受病精血虛少氣力衰乏

日溢消矣

黃耆

一兩半  
蘆頭

羌活

石斛

防風

枳殼

火炒  
去穢

參

生地黃

牡蠣

燒

黑附子

炮

茯苓

去皮

五味子

牛膝

酒浸各  
一兩

續斷

半兩

地骨皮

三分

右為末每服三錢水一大盞煎至八分去滓溫服不

計時候日進

心掣證 主心

一陽發病少氣嗽洩三焦不利上咳下洩心煩不寧其動若掣

調中散 主之治心掣不定胸中刺氣痞壅上若咳嗽下若洩利

白朮 乾薑炮 當歸 人參 五味子 赤茯苓

甘草炙各一兩 官桂半

右為末每服三錢水一盞煎至八分溫服去滓稍熱

日二服臨卧

風厥證 主脾胃

一陽一陰病發驚駭背痛噫欠名風厥蓋胃土肝木為木尅土風勝濕不製腎水故令上逆

遠志散 主之治風厥多驚背痛善噫善欠志意不樂身背皆痛

遠志

去心

人參

細辛

去苗

白茯苓

去皮

黃耆

去頭

官桂

各一兩半

菖蒲

熟乾地黄

焙

白朮

防風

各半兩

右末每服一錢至二錢溫酒調下空心食前日三服

結陽證 主四肢

四肢腫四肢熱勝則腫四肢者謂諸陽之本陽結者故不行於陰脈陽脈不行故留結也

犀角湯 主之治結陽四肢腫滿熱菀不散或毒攻注大便悶澀

犀角犀角 玄參 連翹 柴胡去苗各半兩 升麻 木通

錢各三 沉香剉 射干去毛 甘草炙一兩 芒硝 麥門冬去心

一兩

右為末每服三錢水一大盞同煎至八分食前去滓  
溫服

厥疝證 主腹痛

脈至太虛積氣腹中隱而難見陰沉使脾弱寒於肢膜  
氣厥逆也

吳茱萸加減湯 主之治厥疝腹中冷痛積氣上逆致  
令陰冷於肢膜

吳茱萸

二兩湯洗炒

川烏頭

去皮炮

細辛

去苗各三兩

良薑

當歸

乾薑

炮

官桂

各一兩

右為末每服二錢水一盞同煎至七分去滓溫服日進二服

結陰

主便血

結陰便血一升再結二升三結三升以陰氣內結故不得通行血氣無宗滲入陽下致使漸多

地榆湯 主之治陰結下血不止漸漸極多腹痛不已

地榆

四兩

甘草

三兩半炙半生

縮砂仁

七枚每服可加為炒

右為末每服五錢水三盞縮砂同煎至一半去滓溫服

解脤證 主腎實

冬脈太過緩而澁腎實精不運解者緩脤疑寒熱類也  
利腎湯 主之治解脤春脈動氣痛氣乏不欲言此為  
腎元有餘矣

澤瀉 生地黃 赤茯苓

去皮各一兩半

檳榔 麥門冬



去柴胡

枳殼

麩炒  
去穢

牛膝

去苗酒浸  
各一兩

黃芩

去朽  
一兩

右為末每服三錢水一盞半煎至七分去滓溫服不

計時候

胃疽證 主胃熱

食已如飢胃熱能消穀陽明脈終心火上行心憎煩身黃小便赤澀也

茯苓加減湯 主之治胃疽積熱食已輒飢面黃瘦胸滿脇脹小便悶赤

赤茯苓

陳皮

去白

澤瀉

桑白皮

剉各三兩

赤芍藥

白朮

各四兩

人參

官桂

各二兩

石膏

各八兩

半夏

六兩湯洗生薑

製

右為末每服三錢水一盞生薑十斤同煎至八分去

滓不計時候如病甚者加大黃朴硝

各二兩

蠱病證 主脾風

脾風傳腎一名疝氣小腹痛出白液名曰蠱左傳云以喪志名為蠱病乃真精不守也

大建中湯 主之治蠱病小腹急痛便溺失精洩而出  
白液

黃耆 遠志 去心 當歸 澤瀉 各三兩 芍藥 人參

龍骨 甘草 炙各二兩

右為末每服三錢水一盞生薑五片煎至八分去滓  
溫服不計時候

瘕病證 主勑急

蠱腹痛腎傳心勑脈相引而急精液少勑脈不榮灌而

引急

建中加減湯 主之治瘕飭病相引而急及五勞七傷  
小便數腹痛難立

人參 甘草

炙 官桂

白茯苓

去皮

當歸

附子

炮

厚朴

生薑製 各一兩

龍骨

黃耆

剉

麥門冬

白芍藥

生地黄

各四兩

右為末每服三錢水一盞半生薑五片棗一枚錫少  
許煎至一盞溫服去滓

勞風證 主諸風

發在肺下病強上冥視唾涕惡風腎肺入肺中振慄故  
俛仰成勞風

芎朮丸 主之治勞風強上冥視肺熱上壅唾稠喉中  
不利頭目昏眩

川芎

枳殼

麩炒去穰  
各等分

右煉蜜為丸如桐子大每服十九丸溫水送下食後日  
三服

痺氣證 主陽虛陰實

身非衣寒中非受寒氣痺者氣血不行如從水中出不  
必寒傷而作也

附子丸 主之治痺氣中寒陽虛陰盛一身如從水中  
出

附子

炮

川烏頭

炮二味通剉碎  
炒為末入藥

官桂

川椒

菖

蒲

甘草

各四兩

骨碎補

炒

天麻

白朮

各二兩

右為末煉蜜為丸如桐子大每服三十丸溫酒下空

心食前日三服

骨痺證 主腎弱

身寒大衣不能熱腎脂枯涸不行髓少飭弱凍慄故掣  
急

附子湯 主之治腎藏風寒濕骨痺腰脊疼不得俛仰  
兩脚冷受熱不遂頭昏耳聾音渾

附子

炮

獨活

防風

去苗

川芎

丹參

草薢

菖

蒲

天麻

官桂

當歸

各一兩

黃耆

細辛

去苗

山

萊菔 白朮 甘菊花 牛膝酒浸 甘草炙 枳殼炒

去穢各

半兩

右為末每服三錢水一大盞生薑五片煎至七分去滓溫服不計時候日進三服

肉苛證 主榮虛胃寒

近衣絮肉苛也榮氣虛則不仁其證癢重為苛也

前胡散 主之治榮虛衛實肌肉不仁致令癢重名曰肉苛虛其氣



前胡

去苗

白芷

剉

細辛

去苗

官桂

白朮

川芎

各三兩

川椒

去目開口者生用二錢

吳茱萸

湯洗炒

附子

炮

當歸

去苗各二兩

兩

右剉搗以茶酒三升勻拌同窖一宿以煉成猪脂膏五斤入藥微煎候白芷黃紫色漉出滓成膏病在處摩之病以熱調此藥櫻桃大癰瘕瘡痍皆治并去諸風瘡痒疼痛傷折墜損故摩內皆可用之

肺消證 主心肺

心移寒於肺肺消飲少洩多當補肺平心死而可治乃  
心肺為賊也

黃耆湯 主之治消肺飲少洩多補肺平心移寒在肺  
痿劣

黃耆

三兩

五味子

人參

桑白皮

剉各二兩

麥門冬

去心

二兩 枸杞子

熟地黄

各一兩

右為末每服五錢水二盞煎至一盞去滓溫服無時

涌水證 主水病

肺移寒於腎名曰涌水其證如溢囊裏裹將或偏身腫滿按腹不堅疾行則濯濯有聲或咳喘不定

葶藶丸 主之治涌水腹滿不堅溢如囊裏裹漿疾行則濯濯有聲

葶藶

紙炒

澤瀉

椒目

桑白皮

剉

杏仁

去皮  
麩炒

木豬

苓

去黑皮  
各半兩

右為細末煉蜜和丸如桐子大每服二十九蔥白湯下不計時候以利為度

膈消證 主肺門

心移熱於肺名曰膈消二者心膈有熱久則引飲為消渴耳

麥門冬飲子 主之治膈消胸滿煩心津液燥少短氣久為消渴

麥門冬

二兩  
去心

括樓實

知母

甘草

炙

生地黃

人參 葛根

茯神

各一兩

右為末每服五錢水二盞竹葉數片同煎至一盞去

滓溫服食後

口糜證 主口

膀胱移熱於小腸腸不便上為口糜心胃壅熱水穀  
不化轉下小腸

柴胡地骨皮湯 主之治口糜生瘡損爛小腸有熱脹  
滿不便宜服之

柴胡去苗地骨皮

各等分

右為末每服三錢水一大盞煎至八分去滓食後如

有病人大段實者加大黃朴硝可瀉熱甚

處癥證 主女病

大腸小腸移熱名處癥津液耗散不能滑利菟結而大腸悶澀

檳榔圓 主之治大腸有遺熱津液壅滯腹痛悶澀名曰處癥證

檳榔 大黃 剉炒 枳殼 剉炒去穰 木香 桃仁 去皮尖炒

大麻仁 另研各一兩

右為末煉蜜和圓如桐子大每服十圓至十五圓溫酒下不計時候湯亦得

食亦證 主胃病

大腸移熱於胃善食而瘦或胃熱遺於膽能食善飲大勝土也

參苓圓 主之治食亦胃中結熱消穀善食不生肌肉此名食併

人參 菖蒲 遠志 赤茯苓 地骨皮 牛膝

酒浸各

一兩

右為末煉蜜為圓如桐子大每服十圓至十五圓米飲下不計時候

鼻淵證 主鼻門

膽移熱於腦則辛頻鼻淵濁涕不止如涌泉不滲而不  
久不已衄血為患

防風湯 主之治鼻淵腦熱滲下濁涕不止久而不已  
必成衄血之疾



黃芩 人參

甘草 麥門冬 去心各一兩 川芎 一兩 防

風

去蘆一兩半

右為末每服二錢沸湯點之食後服日三服

衄衄證 主失血

膽受胃熱循脈而上於腦陽絡溢血妄行在鼻空衄目  
暝者

定命散 治膽受熱血妄行鼻中衄衄并血汗不止

朱砂 水銀 麝香

各等分

右為末每服半錢新汲水調下不計時候如用藥看  
老幼虛實加減

鼓脹證 主胃病氣逆

病有心腹脹滿旦食不能暮食致令胃逆不散太陽不  
傳逆滿

雞屎醴散 治鼓脹旦食不能暮食痞滿古法用此可  
擇焉

大黃 桃仁 雞屎醴乾者各  
等分

右為末每服一錢水一盞生薑三片煎湯調下食後  
臨卧服

血枯證 主婦人經病

年少醉入房室氣竭肝傷故經衰少不來肝傷則血涸  
脾胃相傳大脫其血目眩心煩故月事不來也

烏魚骨圓 主之治血涸胸脇交滿妨飲食變則聞腥  
臊之氣唾血出清液前後洩血

蘭茹 烏賊魚骨

各一兩

右為末雀卵不拘數和成劑圓如小豆大每服五圓  
至十圓煎飽魚湯下食後此日三服食壓之妙矣

宣明方論卷一

欽定四庫全書

宣明方論卷二

金 劉完素 撰

諸證門

伏梁證 主心積

若梁之伏隱也居臍上逆臍下順不可移動為水溺故  
有二等

鼈甲湯 主之治伏梁積氣心下如臂痞痛不消小便

不利

鼈甲

去裙襴醋炙黃色

京三稜

大腹子皮

芍藥

當

歸

柴胡

去苗

生地黃

各一兩

官桂

生薑

各三分切作片子焙

乾

右為末每服三錢水一大盞入生薑木香半錢同煎至八分去滓空心溫服

瘡俳證 主腎虛

內奪而厥舌瘡不能言二足廢不為用腎脈虛弱其氣

厥不至舌不仁經云瘖痺足不履用音聲不出者

黃飲子 主之治瘖痺腎虛弱厥逆語聲不出足軟不

用

熟乾地黄 巴戟去心 山茱萸 石斛 肉蓯蓉酒浸

焙附子炮 五味子 官桂 白茯苓 麥門冬去心

菖蒲 遠志去心等分

右為末每服三錢水一盞半生薑五片棗一枚薄荷同煎至八分不計時候



厥逆證 主心痛

膺腫頸痛胸滿腹脹上實下虛氣厥而逆陽氣有餘鬱於胸也不可鍼多宜服順氣湯

小茯苓湯 主之治厥逆病三焦不調升降胸膈膺腫胸滿腹脹冷氣衝注刺痛

赤茯苓 人參

陳皮去白桔梗剉炒各等分

右為末每服三錢水一盞半生薑五片同煎至八分去滓不計時候

風成寒熱證 主風

因於露風寒熱之始腠理次入胃食不化熱則消中寒慄振動也

解風散 主之治風成寒熱頭目昏眩支體疼痛手足麻痺上膈壅滯

人參 川芎 獨活 麻黃

去節湯洗  
焙各一兩

甘草 一兩 細

辛

去苗  
半兩

右為末每服三錢水一盞半生薑五片薄荷葉少許

同煎至八分不計時候

風成寒中證 主風

風氣與陽明入胃循脈而上至目皆津液所生為泣也  
當歸湯 主之治風邪所傷寒中目泣自出肌瘦洩汗  
不止

當歸 人參 官桂 各三錢 乾薑 炮 白朮 白茯苓

甘草 川芎 白芍藥 各半兩 細辛 去苗半兩 陳皮 一兩

去白

右為末每服三錢水一盞半生薑三片棗二枚同煎  
至八分去滓熱服不許時候併三服

風成熱中證 主風

風氣與陽明入胃循脈而上目皆肥人氣不外洩為熱  
中目黃之病也

青龍散 主之治風氣邪傳化腹內瘀結而目黃風氣  
不得泄為熱中煩渴引飲

地黃 仙靈脾

何首烏

去黑皮泔浸一宿竹  
刀子切焙各一分

防

風去荆芥穗

兩

右為末每服一錢沸湯點調下食後每日三服

腦風證 主風氣

氣循風府而上則為腦風頂背怯寒腦戶極冷以此為病

神聖散 主之治腦風邪氣留飲不散頂背怯寒頭疼不可忍者

麻黃

去節

細辛

去

乾蝎

一半

炒

藿香葉

各等分

右為末每服二錢煮荊芥薄荷酒調下茶亦得并血風

又方 治腦風邪氣留飲頭疼不可忍者用遠志末不以多少於鼻中嚙與痛處柔之相兼前藥可用也

首風證 主新沐中風

中風為首風頭面多汗惡風當先一日甚至其風日則少愈

大川芎丸 主之治首風旋暈眩急外合陽氣風寒相

搏胃膈痰飲偏正頭疼身拘倦

川芎

一斤一天麻四兩用  
鄆州者

右為末煉蜜為丸每兩作十九每服一九細嚼茶酒

下食後

秘方茶酒調散 治一切諸風痰壅目澁昏眩頭疼心

憤煩熱皮膚痛痒并風毒壅滯清爽神志通關闕竅消

惡汗

石膏

另為  
細末

菊花

細辛

去苗

香附子

去須炒  
各等分

右為末每服二錢溫茶酒調下食後每日三服

目風眼寒證 主眼門

風入系頭則血脈凝滯不能上下通流於目令風寒客之風眼寒也

石膏散 主之治目風眼寒及偏正頭疼夾腦風鼻出清涕目淚疼痛不已

石膏

二兩炭火燒研細末

川芎

一兩甘草

半兩炙

右為末每服一錢蔥白好茶同煎湯調下食後日二



服

漏風證 主酒風

飲酒中風或汗多不可單衣食則汗出多如液漏久不治為消渴疾

白朮散 主之治漏不久虛風多汗食之汗出如洗少者痿劣

牡蠣二錢 焙赤 白朮一兩 一分 防風二兩 半

右為末每服一錢溫水調下不計時如惡風倍防風

白朮如汗多面腫倍牡蠣

胃風證 主風

因於失衣風感之頸汗多惡風膈塞不通寒則胃拽腹滿氣不通

大豆蔻丸胃風湯 主之治胃風頸多汗惡風飲食不下小腹善滿失衣則腹脹食寒則瀉形瘦

肉豆蔻 草豆蔻 陳皮 獨活 薏苡仁 人

參 川芎

各半兩

羌活 防風 桔梗 甘草

炙木

香

各分

右為末煉蜜為丸如桐子大每服四十九米飲下不計時候日進三服

胃風湯 治風冷乘虛入客腸胃水穀不化腸脇虛滿  
疔痛及腸胃泄毒或下瘀血

人參

白茯苓

去皮

芎藭

官桂

當歸

去苗

白芍藥

白朮

各等分

右為末每服二錢水一大盞入粟米百餘粒同煎至

七分去滓熱服空心食前

此藥與豆蔻丸為表裏也

行痺證 主痺

風寒濕三氣合而為痺風氣勝者行痺上下左右無留隨所至作

防風湯 主之治行痺行走無定

防風 甘草 當歸 赤茯苓

去皮杏仁去皮桂各炒熟

兩黃芩 秦艽 葛根

各三錢麻黃

半兩去節

右為末每服五錢酒水合二盞棗三枚薑五片煎至

一盞去滓溫服

痛痺證 主痺

寒勝者為痛痺大宜宣通陰寒為痛宜通氣溫經而愈  
茯苓湯 加減治痛痺四肢疼痛拘攣浮腫

赤茯苓

去皮

桑白皮

各二兩

防風

官桂

川芎

芍

藥 麻黃

去節各一半半

右為末每服五錢水一盞棗一枚煎至八分去滓溫  
服以薑粥投之汗泄為度效矣

著痺證 主痺

濕氣勝者為著痺濕地水氣甚重著而不去多汗而濡者

茯苓川芎湯 主之治著痺留注不去四肢麻拘攣浮腫

赤茯苓 桑白皮 防風 官桂 川芎 麻黃

芍藥

當歸

甘草

炙各等分

右為末每服二錢水二盞棗三枚同煎至一盞去滓

空心溫服如欲出汗以粥投之

周痺證 主痺

黃帝鍼經云在血脈之中隨上下本痺不痛今能上下  
周身故以名之

大豆蘗散 主之治周痺注五臟留滯胃中結聚益氣  
出毒潤皮毛補腎氣

人豆蘗

一斤炒  
香熟

右為末每服半錢溫酒調下空心加至一錢日三服

胞痺證 主膀胱

小腹膀胱按之內痛苦沃以湯澀於小便上為清涕太陽直行從巔入循於腦氣下灌於鼻時出清涕不止腎著湯 主之治胞痺小便不利鼻出清涕者

赤茯苓

去皮

白朮

各四兩

甘草

三兩

乾薑

二兩

右為末每服五錢水二盞煎至一盞去滓溫服日三服

腸痺證 主痺



雖多飲不得洩不成大便使糟粕不化故氣喘急而殮洩

木香丸 主之治腸痺腹痛時發殮洩氣不消化小便秘澀

木香 白朮 官桂 蕪荑 良薑 訶子皮 各一

兩 附子炮去厚朴生薑肉豆蔻各二乾薑三甘草分

兩半

右為末麴麪糊為丸如桐子大每服二十九薑湯下

空心

熱痺證 主痺

陽氣多陰氣少陽熱其陰寒故痺藏府熱熿然而悶也  
升麻湯 主之治熱痺肌肉熱極體上如鼠走唇口反  
縱皮色變兼諸風皆治

升麻

三兩 茯苓

去皮

人參

防風

犀角

鎊

羚羊角

鎊

羌活

各一兩

官桂

半兩

右為末每服四錢水二盞生薑二塊碎竹瀝少許同

煎至一盞溫服不計時候

白淫證 主虛勞

思想無窮所願不得意淫於外入房太甚筋縱發為筋痿及為白淫大過者白物為淫隨洩而下故為勞弱秘真丸 主之治白淫小便不止精氣不固及有餘瀝或夢寢陰人通洩耳

龍骨

一兩  
別研

訶子皮

大者五  
個用

縮砂仁

半兩  
去皮

朱砂

一兩  
研細

一分  
為衣

右為末麪糊為丸如菉豆大每服一九空心溫酒下  
冷水亦得不可多服大便秘白湯茶下

胃脘癰證 主癰門

胃脈沉細陽氣不得下通寒癰陽熱聚胃口腐壞成膿  
射干湯 主之治胃脘癰人迎脈逆而甚嗽濃血榮衛  
不流熱聚胃口成癰

射干去毛梔子仁

赤茯苓

去皮升麻

各一兩

赤芍藥

一兩

半白朮半兩

右為末每服五錢水二盞煎至一盞去滓入地黃汁  
一合蜜半合再煎溫服不計時候

陽厥證 主諸氣

怒狂者生於陽也陽勝則氣逆狂怒上氣奪食即已食  
入於陰養於陽則平其氣若陽勝氣逆多怒

羚羊角湯 主之治陽厥氣逆多怒而頸脈腹効已食  
陰養於陽平其氣

羚羊角 人參

各三兩

赤茯苓

二兩去  
去皮

志

去心

大黃

炒各

半  
兩甘草一分  
炙

右為末每服三錢水一盞半煎至八分去滓溫服不  
計時候

新補又方 治陽厥若除煩下氣鐵洛為飲鐵漿湯飲  
之食後併服

息積證 主腹心

病脇下滿逆氣不已氣聚脇下息而不消積而不散氣  
元在胃妨飲食不可鍼多宜導引服藥爾

白朮丸 治息積脇下氣逆妨悶喘息不便呼吸引痛不已

白朮

枳實

官桂

各一兩半

人參

二兩

陳皮

桔梗

醋炒

甘草

各一錢

右為末煉蜜為丸如桐子大每服二十九丸溫酒下日三服

赤筋證

主肝

人有尺脈數甚筋急而見腹必急數亦為虛筋見以名

耳

栝子仁散 主之治疔觔肝虛生寒脈寒數觔急腹脇

痞悶觔見於外

聖惠方中十五味栝子仁丸亦治

栝子仁 茯苓 防風 細辛 白朮 官桂

枳殼 川芎

各三兩

附子

當歸

檳榔

各半兩

右為末每服三錢水一盞半生薑三片棗二枚同煎至八分去滓溫服不計時候

厥逆頭疼證 主胃



腎虛犯大寒頭疼齒亦痛痛之甚數不已者是也

天南星丸 主之治厥頭痛齒痛骨寒胃脈同腎脈厥逆頭痛不可忍之

天南星

炮

硫黃

研

石膏

研

消石

研各等分

右為末麪糊為丸如桐子大却每服二十丸溫酒下  
空心日午臨卧三時服

膽痺證 主肝

謀慮不決膽虛氣上衝口中上溢則口苦是清淨之府

濁擾之氣上溢

益膽湯 主之治膽痺肝虛熱氣上衝口中常苦洩熱  
不已藏府固虛致然

黃芩

去朽

甘草

炙

人參

各二兩

官桂

一兩

苦參

茯神

各二兩

半

右為末每服三錢水一盞煎至八分去滓溫服不計  
計時候

濡洩證 主利

內經云濕勝則濡甲乙經云寒客生濡胃洩如隨氣而  
下利

豆蔻散 主之治濡洩不止寒客於脾胃故傷濕而腹  
痛滑利不止

肉豆蔻

五個

甘草

炙

厚朴

各等分

右為末每服二錢米飲一盞調下食前白湯亦得

驚澹證 主利

脾虛風冷陰盛糟粕不化大便黃黑如驚澹或大腸有

寒也

吳茱萸丸 治驚澹洩瀉不止脾虛胃弱大腸有寒大便青黑或黃利下

吳茱萸

湯洗炒

乾薑 赤石脂

陳麴

炒熟

當歸 焙厚

朴

各三錢

右為末煉蜜為丸如桐子大每服三十丸溫米飲下

空心服

三焦約證 主大小腸

小腹痛不得大小便邪氣入客約而不行故穀氣不得通也

枳殼丸 主之治三焦約調順三焦氣脈消痞滯利胸膈治風通大小便

陳皮

一兩 檳榔

半兩 牽牛

口兩一半生一半熟搗取頭末一兩半餘不用

木香

一分 枳殼

二兩

右為末煉蜜為丸如桐子大每服十五丸生薑湯下

食後日三服

胃寒腸熱證 主胃

胃寒主收水穀不化洩瀉寒之氣在上腸熱之氣在下  
故脹而洩

妙應丸 主之治胃寒腸熱水穀不化腹脹痞滿洩利  
不已

川烏頭去尖 梔子仁 乾薑生各  
半兩

右為末生薑汁麪糊為丸如桐子大每服五丸溫酒  
下食前日進二服

胃熱腸寒證 主胃

胃熱則消穀善食而飢奈腸寒則血凝脈重小便痛痛

而脹

青橘皮丸

又云前胡水香散亦治

治胃熱腸寒善食而飢便溺小

腹而脹痛大便或澀

青皮 京三稜 黃連

蓬莪朮

炮各一兩

芫花霜

分一

右為末麪糊為丸如菜豆大每服三九至五九茶酒

下食後

少與之不可多也

控羣證 主小腸

甲乙經云小腸病結於腰上而不下痛衝心肺邪所系  
茴香棟實丸 主之治小腸病結上而不下痛衝心肺

茴香

炒練石

麩炒  
去核

石茱萸

馬棟花

醋炒  
各一兩

陳皮

一兩羌花

醋炒  
半兩

右為末醋麪糊為丸如桐子大每服十九至二十九  
溫酒下空心食前

陰疝證 主男病



足厥陰之脈環器底小腹腫或痛腎虛寒水涸渴瀉邪  
補脈為治

蒺藜湯 主之治陰疝牽引小腹痛諸厥疝即陰疝也  
嘻慾勞痛不可忍之

蒺藜

去角炒

附子

炮去皮臍

梔

各等分

右為末每服三錢水一盞半煎至六分去滓食前溫

服控羣證茴香練實丸

亦治此證

諸痺證 主風

痺迺風寒濕三氣相合而為痺風者百疾之長善行數  
變當汗惡風目潤脇痛或走注四肢皮膚不仁屈伸不  
便

升麻前胡湯 主之治肝風虛所中頭痛目眩胸膈壅  
滯心煩痛昏悶屈伸不便

升麻 前胡 一兩半 玄參 地骨皮 各一兩 羚羊角

葛根 各二兩 酸棗仁 一錢

右為末每服三錢水一盞半煎至八分去滓再煎三

五沸食後溫服如行五六里更進一服

心疝證 主心痛

心脈急小腹有形心不受邪必傳於腑故小腹有形心氣逆不順當痛不已當兼心氣治不止為有寒邪所中木香散 主之治心疝小腹痛悶絕不已者

木香

陳皮

各一兩

良薑

乾薑

訶皮子

赤芍

藥

枳實

各半兩

草豆蔻

黑牽牛

各三兩

川芎

三兩

右為末每服二錢水一盞煎至七分去滓溫服

四聖散 治腎臟風并一切癰

白附子

白蒺藜

黃耆

羌活

各等分  
生用

右為末每服二錢鹽湯調下空心一日三服久癰不差十日大愈

赴筵散 治口瘡不已者

蜜陀僧

黃蘗

青黛

各等分

右同研為細末每用乾糝於瘡上不過三二日即便愈

訶子湯 治失音不能言語者

訶子

四箇半  
炮半生


桔梗

一兩半  
炙半生

甘草

二寸半  
炙半生

右為細末每服二錢用童子小便一盞同水一盞煎至五七沸溫服甚者不過三服即愈



宣明方論卷二

# 欽定四庫全書

子部

宣明方論卷八

三至

詳校官太醫院醫士臣趙正池

編修臣倉聖脈覆勘

總校官編修臣王燕緒

校對官編修臣沈清藻

謄錄監生臣吳敬時

欽定四庫全書

宣明方論卷三

金 劉完素 撰

風論

素問云諸風掉眩強直支痛緩戾裏急筋縮皆足厥陰

風木之位肝膽之氣也

風者動也動者搖也所謂風氣甚而主目眩暈由風木王則是

金衰不能制木而木能生火故風火多為熱化皆陽熱多也

風為病者或為寒熱或

為熱中或為寒中或為厲風或為偏枯或為腰脊強痛

或為耳鳴鼻塞諸證皆不仁其病各異其名不同 經云風者善行數變腠理開則灑然寒閉則熱而風風氣俱入行於諸脈分肉之間與衛氣相干其道不利致使肌肉憤膜而有瘍也 衛氣所凝而不行故其肉有不仁也分肉之間衛氣行處風與衛氣相薄俱行肉分故氣道澁而不利氣道不利風熱內鬱衛氣相持肉憤膜而瘡出衛氣被風鬱不得傳徧昇凝而不行則肉不仁也謂皮肉癢而不知寒熱痛痒如木石也 經曰風者



百病之首也其變乃乃為他病無常皆風氣所發也  
以四時五運六氣千變萬化衝盪推擊無窮安得失時  
而絕也故春甲乙傷於風者為肝風夏丙子傷於風者  
為心風季夏戊己傷於風者為脾風秋庚辛傷於風者  
為肺風冬壬癸傷於風者為腎風

風中五臟六腑自俞而入為藏府之風肺風之狀多汗

惡風色白時嗽短氣晝則微暮則甚心風之狀

同上善怒

色赤病甚則言不可快肝風善悲色微蒼噤乾善怒時

憎女子脾風身體怠惰四肢不收色薄微黃不嗜飲食  
腎風面龐而浮腫脊痛不能正立其色如隱曲不利又  
曰風寒熱諸疾之始生也人之藏府皆風之起謂火熱  
陽之本也謂曲直動搖風之用也眩暈嘔吐謂風熱之  
甚也夫風熱拂鬱風大生於熱以熱為本而風為標風  
言風者即風熱病也氣壅滯筋脈拘攣肢體焦痿頭目  
昏眩腰脊強痛耳鳴鼻塞口苦舌乾咽嗑不利胸膈痞  
悶咳嘔喘滿涕唾稠粘腸胃燥熱結便溺淋閉或夜卧

寢汗咬牙睡語筋惕驚悸或腸胃拂鬱結水夜不能浸  
潤於周身而但為小便多出者或濕熱內鬱而時有汗  
洩者或因亡液而成燥淋閉者或因腸胃燥鬱水液不  
能宣行於外反以停濕而泄或燥濕往來而時結時泄  
者或表之陽如正氣衛氣是也與邪熱相合并入於裏陽極  
似陰而戰煩渴者熱間寒故戰或虛氣久不已者經言  
與衛氣并入於裏則寒戰也并出之或風熱走注疼痛  
於表則發熱大則病作離則病已麻痺者或腎水真陰衰虛心火邪熱暴甚而僵仆或卒

中久不語或一切暴瘖而不語語不出聲或暗風癇者或洗頭風或破傷或中風諸潮搐并小兒諸疳積熱或驚風積熱傷寒疫癘而能辨者或熱甚佛結而反出不快者或熱黑陷將死或大人小兒風熱瘡疥及久不愈者或頭生屑偏身黑鰲紫白斑駁或面鼻生紫赤風刺癰疹俗呼為肺風者或成風癘世傳為大風疾者或腸風痔漏并解酒過熱毒兼解利諸邪所傷及調理傷寒未發汗頭項身體疼痛者并兩感諸證兼治產後血液

損虛以致陰氣衰殘陽氣鬱甚為諸熱證腹滿泄痛煩  
渴喘悶譫妄驚狂或熱極生風而熱燥鬱舌強口噤筋  
惕肉瞤一切風熱燥證鬱而惡物不下腹滿撮痛而昏  
者惡物過多而不吐者不宜服之兼消除大小瘡及惡毒兼治墮馬打  
撲傷損痛疼或因而熱結大小便澀滯不通或腰腹急  
痛腹滿喘悶者

防風通聖散

防風 川芎 當歸 芍藥 大黃 薄荷葉

麻黃 連翹

芒硝

已上各半兩  
兩朴朴者

石膏

黃芩

桔梗

各一兩

滑石

三兩

甘草

二兩

荊芥

白朮

梔子

各一

分

右為末每服二錢水一大盞生薑三片煎至六分溫

服涎嗽加半夏

半兩  
薑製

賈同知通聖散

防風

芍藥

各二錢半

甘草

三兩

荊芥

三錢半

薄荷

一兩

黃芩

一兩白朮

一分

石膏

一兩

川芎

半兩

滑石

三兩

當歸

半兩

大黃

半兩

麻黃

兩半

山梔子

分一

連翹

兩半

桔梗

兩一

無芒硝

無縮

砂

崔宣武通聖散

防風

芍藥

荆芥

當歸

白朮

山梔子

各一

分川芎

大黃

薄荷

連翹

黃芩

桔梗

縮砂

各半兩

甘草

石膏

各一兩

滑石

三兩

劉庭瑞通聖散

此方有縮砂無芒硝其餘皆同緣庭瑞於河間守真先

生札師傳之隨從二年始受於方斯且取為端而可准  
憑以用之兼庭瑞以用治病百發百中何以疑之因錄  
但庭瑞臨時以意加減一依前法嗽加半夏半兩生薑  
製

防風天麻散 治風麻痺走注肢節疼痛中風偏枯強  
暴音不語內外風熱壅滯解昏眩

防風 川芎 天麻 羌活 香白芷 草烏頭

白附子 荆芥穗 當歸 甘草 滑石

焙

各半兩

二兩



右為末熱酒化蜜少許調半錢加至一錢覺藥力運

行微麻為度或煉蜜為丸如彈子大熱酒化下一丸

或半丸

細嚼白湯  
化下亦得

散鬱結宜通氣

如甚者更服  
防風通聖散

犀角丸 治風癰日發作有時揚手擲足口吐痰涎不

省人事暗倒屈伸

犀角

末半兩

赤石脂

三兩

朴硝

二兩

白僵蠶

一兩

薄荷葉

一兩

右為末麪糊為丸如桐子大每服二十九至三十九

溫水下日三服不計時候如覺痰多即減丸數忌油

臟物風症病目直卒中口禁背強如弓卧搖動手足

搐搦

無汗名剛為陽症  
有汗名柔為陰症

通三一承氣下妙

搜風丸

治邪氣上逆以致上實下虛風熱上攻眼目

昏耳鳴鼻塞頭痛眩暈躁熱上壅痰逆涎嗽心腹痞痛

大小便結滯清利頭面鼻聰耳鳴宣通血氣

人參 茯苓

天南星

半兩

乾生薑

藿香葉

一分白

礬

生各一兩

蛤粉

二兩

寒水石

一兩

大黃

黃芩

一兩

牽牛

四兩

薄荷葉

半兩

滑石

四兩

半夏

一兩

右為末滴水為丸如小豆大每服十丸生薑湯下加至二十九日三服

川芎石膏湯 治風熱上攻頭面目昏眩痛悶風痰喘嗽鼻塞口瘡煩渴淋瀝眼生翳膜清神利頭宣通氣血中風偏枯解中外諸邪調理諸病勞復傳染

川芎 芍藥 當歸 山梔子 黃芩 大黃

菊花 荊芥穗 人參 白朮

各半兩

滑石

四兩

寒水

石 甘草

二兩

桔梗

二兩

縮砂仁

一分

石膏

防風

連

翹 薄荷葉

各一兩

右為末每服二錢水一盞煎至六分去滓食後水調  
亦得忌薑醋發熱物

川芎神功散 治風熱上攻偏正頭痛無間微甚久新  
頭面昏眩清神

川芎 錢四 甘草 一分 川烏頭 吳白芷 天南星 麻

黃 各半兩

右為末每服二錢水一盞生薑三片煎至半盞投清

酒半避風

換骨丹 治癱瘓中風口眼喎斜半身不遂并一切風  
癱暗風並宜服之頌曰

我有換骨丹 傳之極幽秘 疎開病者心

扶起衰翁臂 氣壯即延年 神清自不睡

南山張仙翁 三百八十歲 槐皮芎朮芷

仙人防首蔓 十件各停勻 苦味香減半

龍麝即少許 朱砂作衣纏 勿令陰人見

夜卧服一粒 遍身汗津滿 萬病自消除

神仙為侶伴

麻黃

煎膏

仙術

香白芷

槐角子

取子

川芎

人參

防風 桑白皮 苦參 威靈仙 何首烏

蔓荊子 木香

龍腦

研

朱砂

研

麝香

研

五味子

右為末桑白單搗細秤以麻黃膏和就杵一萬五千  
下每兩分作十九每服一九以硬物擊碎溫酒半盞  
浸以物蓋不可透氣食後臨卧一呷嚥之衣蓋覆當

自出汗即瘥以

和胃湯調補

及避風寒茶下半

鉛紅散

治風熱上攻陽明經絡面鼻紫色刺癰赤

呼略

為肺風者以肺主鼻而又淺在皮膚之內皮膚屬於肺

舶上硫黃

白礬灰

兩半

右為末少許入黃丹染與病人面色同每上半錢津

液塗之

洗嗽罷臨卧再服防風通聖散

効速

神芎散 治風熱上攻頭目眩痛上壅鼻并牙齒悶痛

川芎

鬱金

各二錢

荊芥穗

薄荷葉

紅豆

各一分

右為末入盆硝二錢研勻鼻內嚙三二刺耳許力慢  
加藥病甚兼夜嚙

萬靈丸 治腎藏一切耳鳴腰疼筋骨痛

赤芍藥 五靈脂 防風 草烏頭二兩 黃耆

細辛 海桐皮 山茵陳 骨碎補 地龍各八錢

黑狗脊二兩 牛膝 何首烏 蔓荊子 白附子

川烏頭 巨勝子各八錢 仙朮一兩 羌花三錢 黑牽牛

半青皮二錢 御米子二錢



右為末酒麪糊為丸如桐子大每服十九至二十九  
溫酒下空心食前服

伊祁丸 治腰脚拳彎鶴膝風筋縮

伊祁

頭尾  
全者

桃仁 生白附子 阿魏 桂心 白芷

當歸

北漏蘆

安息香

用胡桃  
槌研

芍藥

牛膝

地骨皮 威靈仙 羌活

各等  
分

右為末麪糊為丸如彈子空心每服溫酒化下一丸

祛風丸

治中風偏枯手足戰掉語言蹇澁筋骨痛

萊豆粉

川烏頭

炮

草烏頭

炮

天南星

半夏

各一

兩甘草

川芎

藿香葉

苓苓香

地龍

蝎

稍

各三錢

白殭蠶

淘米泔浸去絲

川薑

半兩

右為末一兩用萊豆粉一兩

又法

一用藥一兩以白麪

二兩滴水為丸如桐子大量人虛實加減細嚼茶酒

下五丸至七丸食後初服三丸漸加

舒筋散

治婦人血氣并產後風熱搐搦舒筋

俗雞爪風

人參 川芎

官桂

丁香

各半兩

木香

天麻

酒浸

焙各一兩 井泉石四兩別為末

右為末每服三錢井泉末三錢大豆半升淨淘好酒一大升煮豆軟去豆用豆汁酒調下後以酒送下蓋覆汗出為效

勝金丸 治風熱驚駭不時旋運潮搐口吐痰沫忽然倒地不省人事名曰癇病

白僵蠶 細辛 天南星 皂角炙 川烏頭生 烏

蛇真者好酒浸去骨 白礬枯 桔梗 歲靈仙 何首烏

草烏頭

各

荊芥穗

川芎

各二兩

右為末酒麪糊為丸如桐子大每服十九食後溫酒

下

比金散 治傷寒胃風頭目痛四肢拘倦鼻塞

麻黃 白芷 細辛 荊芥穗 菊花 防風

石膏 何首烏 川芎 薄荷 乾蝎 草頭烏

各等

分

右為末每服一錢水一盞煎溫服酒茶亦得

神白丹 治傷寒積熱及風生驚搐或如狂病諸藥不効此方不可盡述

鉛白霜

分一輕粉半

粉霜

一兩用白麪六錢和作餅子炙熱同研

右為末滴水為丸桐子大每服十九至十五丸米飲下量虛實加減

桃仁丸 治一切風毒徧身疼痛四肢拘急

草烏頭

生用

五靈脂

三兩

桃仁

取霜一兩

右為末酒煮麪糊丸如桐子大以青黛為衣嚼胡桃

仁以溫酒下五丸食後加減

瓜蒂神妙丹 治頭目昏眩偏正頭痛等

焰硝 雄黃 川芎 薄荷葉 道人頭 稗蘆

各一錢半如無  
分 天竺黃 以蔚金代之

右為末研細含水鼻中嚙壹字神驗

清風散 治頭目昏眩咽膈不利痰涎壅塞

石碌 朱砂 牙硝 雄黃 龍腦 瓜蒂

錢一

各三

字一

錢二

滑石 赤小豆 阜角

錢半

一字去皮  
炙黃取末

右為極細末每服半錢新汲水調下如噤不省人事  
滴水鼻中或健者可治為驗

靈砂丹 治破傷風一切諸風等

歲靈仙 黑牽牛 何首烏 蒼朮<sub>半兩</sub> 香附子<sub>六兩</sub>

川烏豆<sub>去尖</sub> 朱砂 沒藥 乳香<sub>各三錢</sub> 陳皐角<sub>四錢炙黃</sub>

皮<sub>去</sub>

右為末把皐角打破用酒二升半春夏三日秋冬七  
日取汁打麵糊為丸如桐子大每服五丸如破傷風

煎鰾酒下如牙疼赤眼搥碎研三五丸鼻嚔之

天麻散 治頭頂痛頭面腫拘急風傷榮衛發燥熱

川芎 細辛 苦參 地骨皮 菖蒲 何首烏

蔓荊子 薄荷葉 杜錢黎 牛旁子 荊芥

穗 蛇蛻草 歲靈仙 防風 天麻一兩 甘草二兩

炙

右為末每服二三錢研蜜水調下茶水任不計時

薄荷白檀湯新補治風壅頭目眩鼻塞煩悶精神不爽消



風化痰清頭目

白檀

一兩

荊芥穗

二兩

薄荷葉

四兩

芩蘘根

二兩

甘草

四兩

炙

白芷

二兩

鹽

四兩

縮砂仁

半兩

右為末每服一錢百沸湯點食後臨卧稍熱溫服

菊葉湯 治一切風頭目昏眩嘔吐面目浮腫者

菊花

去梗

羌活

獨活

旋覆花

牛旁子

甘草

各等分

右為末每服二錢水一盞生薑三片同煎至七分去

滓溫服食後

宣明方論卷三

欽定四庫全書

宣明方論卷四

金 劉完素 撰

風論

黃帝曰病熱當何禁之岐伯曰病熱少愈食肉則復多  
食則遺此其禁也因熱少愈猶未盡除不戒飲食勞動  
情慾擾亂柰脾胃氣虛未能消化堅食故熱復生五臟  
者皆熱

夫熱病者傷寒之類也人之傷於寒則為病熱寒毒藏於肌膚陽氣不行散發而內為怫結故傷寒者反病為熱熱雖甚不死柰巨陽為首巨陽者諸陽之屬也

諸陽為熱以氣諸陰為寒以血熱病已愈其有復作謂病已衰而熱有作所藏因其穀氣相薄兩熱相合故有所遺緣熱也雖邪氣而不盡遺熱在故當復作

五藏俱熱者皆視之肝熱左頰先赤心熱頰先赤脾熱鼻先赤肺熱右頰先赤腎熱頤先赤肝熱者小便黃腹

痛多卧身熱爭則狂驚脇滿手足躁而不得安卧心  
熱者不樂數日乃熱熱爭則卒心痛煩悶善嘔頭痛面  
赤無汗脾熱者頭重頰痛煩心顏青欲吐身熱熱爭則  
腰痛不可仰腹滿泄兩頷痛肺熱者淅然厥起毫毛惡  
風寒舌上黃身熱熱爭則唾咳痛走胸背不得太息頭  
痛不堪汗出而寒腎熱者腰痛脇痠苦渴數飲食熱熱  
爭則項痛而強肘寒且痠足下熱不欲言 經曰汗出  
脉躁盛一死脉不與汗相應其病二死狂言失志者三

死皆是怫鬱結不能解散以致危殆

素問諸熱瞋瘵暴瘖冒昧躁擾狂言罵詈驚駭肘腫疼  
痠氣逆皆手少陽相火心胞絡三焦之氣也

夫腎水真陰本虛心火狂陽積熱以甚以致風熱壅滯  
頭面昏眩肢體麻痺皮膚瘙癢筋脉拘倦胸膈痞滿時  
或痛悶或鼻窒鼻衄口舌生瘡咽喉不利牙齒腐蝕或  
徧身生瘡癬疥或睡語咬牙驚惕虛汗或健妄心忪煩  
燥多睡或大小便澀滯或煩熱腹滿或酒過積毒勞役

過度中外一切勞損神狂氣心志不寧口苦咽乾飲食  
減少變生風熱諸病虛羸困倦或酒病瘦悴及老弱虛  
人或脾腎經虛風熱燥鬱色黑齒宣身瘦焦痿或熱中  
煩滿飢不飲食或痺或消中善食而瘦或消渴多虛頭  
面腫小便數或服甘辛熱藥過度變成三消上則消渴  
中則消中下則消腎小便白膏也

神芎丸 治一切熱證常服保養除痰飲消酒食清頭  
目利咽膈能令徧身結滯宣通氣利而神強體健耐

傷省病并婦人經病及產後血滯腰脚重痛小兒積熱驚風潮搐藏用丸亦曰顯仁丸加黃連薄荷川芎各半兩名曰神芎丸

大黃

黃芩

各二兩

牽牛

滑石

四兩

右為細末滴水為丸如小豆大溫水下十丸至十五丸每服加十丸日三服冷水下亦得或煉蜜丸愈佳或久病熱鬱無問瘦悴老弱并一切證可下者始自十丸每服加十丸以利為度如常服此藥但除腸垢



積滯不傷和氣推陳致新得利便快並無藥燥搔擾  
亦不困倦虛損頗遂病人心意或熱甚必須急下者  
便服四五十丸未利再服以意消息三五歲孩兒丸  
如麻子大凡此一法此藥至善常服二三十丸不利  
藏府但有益無損或婦人血下惡物加桂枝半兩病  
微者常服病重者亦取利因而結滯開通惡物自下  
也此方除藏府滑泄者或重寒脉遲者或婦人經病  
產後血下不止者及孕婦等則不宜服除此以外一

切風熱雜病悶壅塞神氣不和或平人保養常服自顯其功若以効驗觀其藥味則非明本草造化之理者不可得而知其然也猶孔子讚易道明顯應化萬仁之善而不見其大道之功用故曰顯諸仁藏諸用因以云藏用九亦其義也兼以世訛之久矣而反不喜此等妙方不肯服之每有久獲大効而誠懇求其方不得已而授之既見其方反生疑懼不復用焉亦有効而志信求其方務以廣傳救病因而衆議百端

擬疑妄生謗說使致俗醫皆畏之致道不能神但有妨病者後之君子但行其藥明顯諸人勿示其方而密藏諸用耳或以一法加黃連川芎薄荷等各半兩治一切頭目昏眩者愈佳

柴胡飲子

治解一切肌骨蒸積熱作發寒熱往來

表熱

裏和則發寒裏熱表和則發熱邪熱半在表半在裏出入進退無和即寒熱往來陰陽相勝也 畜熱寒

戰表之陽和正氣與邪熱并畜於裏脉道不行故身冷脉絕寒戰而反煩渴也 及傷寒發汗

不解或中外諸邪熱口乾煩渴或下後熱未愈汗後勞

復或骨蒸肺痿喘嗽婦人餘疾產後經病

柴胡 人參 黃芩 甘草 大黃 當歸 芍

藥各半兩

右為末每服抄三錢水一盞生姜三片煎至七分溫服日三服病熱甚者加減之

崔宣武柴胡飲子 加半夏 五味子 桔梗各三錢 劉

庭瑞柴胡飲子 與前分用不同故以錄之

柴胡 甘草 二黃芩 當歸 芍藥 大黃各一兩

人參

半兩 半夏兩

右為大勞熱病五七錢以利為度未利更加使病不再發也

木香萬安丸 治一切風熱怫鬱氣血壅滯頭目昏眩

鼻塞耳鳴筋脉拘倦肢體焦痿咽嗑不利胸膈痞塞腹  
脇痛悶腸胃燥澁淋瀝不通腰脚重痛疝瘕急結瘕癖  
堅積腸滯胃滿久不了絕走注疼痛瘡風癰病濕病腹  
脹水腫

木香

揀桂

甘遂

各一分

牽牛

二兩

大戟

半兩

大黃

紅皮

檳榔

各一兩

皂角

二兩

要得肥好者

洗淨水

三盞煮三二沸

取出槌碎

下蜜熬二沸

便取出

下蜜熬二沸

便取出

下蜜熬二沸

便取出

搽取汁再煮成稠膏

右膏丸小豆大每服十丸至十五丸生薑湯下小兒

丸如麻子大水腫癰病諸積快利為度

王芝徐老丸 治一切風壅消痰利膈胸脇痞悶美飲

食調五味

徐老緩慢遲老

天南星

乾薑

各半兩

黃柏

半兩

牽牛

四兩

半夏

白

礬

大黃

各一兩

蛤粉

二兩

右為末滴水丸如小豆大每服十丸至二十丸溫水下食後日三服常服順氣調血令人徐老或已衰大便結者除腸垢積物可漸加至三五十丸孕婦滑泄病忌服滑泄為牽牛大黃孕婦為南星半夏

消痞丸

治積濕熱毒甚者身體面目黃心脇腹滿嘔

吐不能飲食痿弱難以運動咽嗑不利肢體焦眩眩悸  
膈熱坐卧不寧心火有餘而妄行上為咳血衄血下為

大小便血腸風痔瘻三焦壅滯悶痺熱中消渴傳化失常  
小兒疳積熱

黃連

乾葛

各一兩

黃芩

大黃

黃蘗

梔子

薄荷

藿香

厚朴

茴香

炒各半兩

木香

辣桂

各一

分

青黛

一兩研

牽牛

二兩

右為細末滴水丸如小豆大每服十丸新水下溫水  
亦得小兒丸如麻子大病本濕熱內甚本自利者去  
大黃牽牛忌發熱諸物



和中丸 治口燥舌乾咽嗑不利胸脇痞滿心腹痛悶  
小便赤澀大便結滯風氣怫鬱頭目昏眩筋脉拘急肢  
體疼痛一切風壅常服寬膈美食消痰止逆

牽牛一兩 官桂一分 大黃 紅皮 黃芩 茴香各半兩

木香一分 滑石二兩

右為末滴水丸如小豆大每服二十九煎生薑湯下  
溫水亦得日三服

崔宣武和中丸 大黃一兩 茴香炒 外七味同

龍腦丸 治大小人一切蘊積熱毒氣不散及失瘡癰  
疔

龍腦 朱砂 鵬砂 牛黃

各等分

右為末鎔黃蠟為丸如米粒大每服三五丸以甘草  
人參湯下不計時候

大金花丸 治中外諸熱寢汗咬牙睡語驚悸溺血淋  
瀝咳衄血瘦弱頭痛并骨蒸肺痿喘

金花丸 又名既濟解毒丸

黃連

黃蘗

黃芩

大黃

各半兩

右為末滴水丸如小豆大每服三二十丸新汲水下  
自利去大黃加梔子小兒丸如麻子大三五丸

當歸龍膽丸

治腎水陰虛風熱蘊積時發驚悸筋惕

搐搦神志不寧榮衛壅滯頭目昏眩肌肉瞤癢胸膈痞

寒咽嗌不利腸胃燥澁小便溺閼筋脉拘奇

奇猶急也重也肢

體痿弱暗風癰病小兒急慢驚風常服宣通血氣調順

陰陽病無再作

當歸

培

龍膽草

大梔子

黃連

黃蘗

黃芩

各一兩

大黃

蘆薈

青黛

各半兩

木香

一分麝香

半錢別研

右為末煉蜜和丸如小豆大小兒如麻子大生薑湯下每服二十九忌發熱諸物兼服防風通聖散

軟金丸 治一切熱疾常服潤飢膚柰老諸熱證皆可服

大黃

牽牛

皂角

各二兩

朴硝

半兩

右為末滴水和丸如桐子大每服三十九白湯下自

十九服至三十丸食後服

妙香丸 治一切久遠沉積傷寒結胸太陽厥證燥鬱

攻不開者皆可服此藥亦名大聖丸

芭豆

皮不出油

膩粉

礪砂

龍腦

麝香

牛黃

少許朱砂

各分

水銀

各一錢錫結砂子

右為末煉蜜和丸又一方用蠟丸如皂子大用藥時

急要動一九分作三丸劄作眼子冷水浸煎大黃湯

下然後服熱茶一盞便行也局方內無礪砂加金薄

妙功藏用丸

新補

亦名顯仁丸又名神芎丸治嘔噦不食

痿弱難運血溢血洩淋瀝不通或泄利三焦壅滯傳化失常功不可述並宜服之

大黃

黃芩

黃連

各半兩

黑牽牛

一兩

滑石

二分

荊芥

穗

二兩

防風

一分

川芎

一兩

木香

二分

官桂

三分

去皮

右為末滴水為丸如小豆大每服二十九三十九生薑湯下日三服溫水亦得

宣明方論卷四

欽定四庫全書

宣明方論卷五

金 劉完素 撰

傷寒門

主療說

傷寒表證當汗而不可下裏證當下而不可汗半在表  
半裏則當和解不可發汗吐下在上則通之在下則泄  
之傷寒無汗表病裏和則麻黃湯汗之或天水散之類

亦佳表不解半入於裏半尚在表者小柴胡湯和解之  
或天水涼膈散甚良表裏熱勢俱甚者大柴胡湯微下  
之更甚者大承氣湯下之表熱多裏熱少者天水一涼  
膈半和解之裏熱多表熱少未可下之者涼膈天水一  
半調之勢更甚者小承氣湯下之凡此諸可下者通宜  
大承氣湯下之凡此諸可下者通宜三一承氣湯下之  
發汗不解下後前後別無異證者通宜涼膈散調之以  
退其熱兩感做此而已傷風自汗表病裏和者桂枝湯



解肌半在表半在裏白虎湯和解之病在裏者大承氣湯下之 一法無問風寒暑濕有汗無汗內外諸邪所傷但有可下諸證或表裏兩證俱不見而日深但目睛不了了睛不和者或腹滿實痛者或煩渴或譫妄或狂躁滿者或畜熱極而將死者通宜大氣氣湯下之或三一承氣湯尤良傷寒大發汗汗出不解反無汗脈尚浮者蒼朮白虎湯再解之 或中暑自汗大出脈虛弱頭痛口乾倦怠煩躁或時惡寒或畏日氣無問表裏通宜

白虎或裏熱勢甚腹滿而脈沉可下者宜大承氣湯或三一承氣湯傷寒表熱極甚身疼頭痛不可忍或眩或嘔裏有微熱不可發汗吐下擬以小柴胡天水涼膈之類和解恐不能退其熱勢之甚或大下後再三下後熱勢尚甚不能退本氣虛損而脈不能實擬更下之恐下脫而立死不下亦熱極而死寒涼之藥不能退甚熱勢之甚者或熱濕內餘下利不止熱不退者或因大下後熱退利不止熱不退脈弱氣虛不可更下者或諸濕熱

內餘小便赤澁大便溏泄頻併少而急痛者必欲作利也須宜黃連解毒湯或裏熱極甚而恐陰氣不能退者或已下後熱不退者或畜熱內甚陽厥極深以至陽氣沉細而不能營運於身陰欲絕而以致徧身青冷痛甚不堪項背拘急目赤睛疼昏眩恍惚咽乾或痛躁渴虛汗嘔吐下利腹滿實痛煩痞悶亂喘息急聲脈雖疾數以其畜熱極深而脈道不利以致脈沉細而欲絕俗未明其造化之理而反傷熱寒極陰毒者或始得之陽

熱暴甚而便有此證者 或兩感勢甚者通宜解毒湯  
加大承氣湯下之熱不退者再下之然雖古人皆云三  
下熱不退即死矣亦有按法以下四五次利一二十行  
熱方退而救活者免致不下退其熱而必死也下後熱  
稍退而未愈者黃連解毒湯調之或微熱未除者涼膈  
散調之或失下熱極以至身冷脈微而昏冒將死者若  
急下之則殘陰暴絕陽氣後竭而立死不下亦死當以  
涼膈散或者黃連解毒湯養陰退陽蓄熱漸以消散則

心胸腹暖脈漸以生至陽脈復有力者方可以三一承氣湯微下之或解毒加大承氣湯尤良或下後微熱不解者涼膈散調之愈後但宜退熱之藥忌發熱諸物陽熱易為再作也

論風熱濕燥寒

諸風

風本生熱以熱為本風為標言風者即風熱病也

諸熱

熱甚而生風或熱微風甚即兼治風熱或風微熱甚但治其熱即風自消也

諸濕

濕本土氣火熱能生土濕故夏熱則萬物濕潤秋涼則濕復燥乾也濕病本不自生因於火熱怫鬱水液不能宣行即停滯而生水濕也凡病濕者多自熱生而熱氣尚多以為兼證當云濕熱亦猶風熱義同雖病水寒不得宣行亦能為濕雖有此異亦以鮮矣或跗腫體寒而

有水者以為畜熱入裏極深本非病寒也及夫寒熱吐瀉因得濕而成也

諸燥

燥乾者金肺之本肺藏氣以血液內損氣虛或風則皴揭風能勝濕熱能耗液皆能成燥故經云風熱火兼為陽寒濕燥同為陰又燥濕亦異也然燥金雖屬秋陰而其性異於寒濕燥陰盛於風熱火也故風熱甚而寒濕同於燥也然中寒吐瀉亡液而成燥者亦以此矣故經

云諸澁枯涸乾勁皴揭皆屬於燥也

諸寒

寒者上下所生水液澄徹清冷穀不化小便清白不澁  
身涼不渴本末不經有見陽熱證其脈遲者是也此因  
飲食冷物過多陰勝陽衰而為中寒也或冷熱相併而  
反陽氣怫鬱不能宣散怫熱內作以成熱證者不可亦  
言為冷當以成證辨之夫濕熱吐瀉當見陽脈若亡液  
氣虛亦能反見諸陰脈也當以標本明之不可妄治或



熱證誤服白朮調中湯溫藥亦能開發陽氣宣通而愈  
別無加害也

傷寒表證

夫傷寒之候頭項痛腰脊強身體拘急表熱惡寒不煩  
躁無自汗或頭而痛肌熱鼻乾或胸滿而喘手足指末  
厥脈浮數而緊者邪熱在表皆麻黃湯發汗之證也或  
天水散之類甚佳

傷寒表裏證

傷寒身熱為熱在表引飲或小便黃赤熱在裏身熱渴  
或小便黃赤為表裏俱有熱涼不渴小便清白為表裏  
俱無熱身疼拘急表熱惡寒而脈浮者皆為熱在表也  
引飲譫妄腹滿實痛發熱而脈沉者皆為熱在裏也胸  
脇痞痛或嘔而實熱往來脈在肌肉者邪半在表半在  
裏也

內外傷

始得病脈便沉而裏病表和者內傷也脈浮而表病裏

和者外傷也病在身體頭面四肢為表病在胸腹之內為裏病也

### 傷寒論

夫風寒者百病之始也是四時八節不正疫癘之氣故云春氣溫 and 夏氣暑熱秋氣清涼冬氣冰冷乃四時之正氣冬時嚴寒萬類深藏君子固密則不傷於寒觸冒之者乃傷耳春應煖而反寒夏應熱而反冷秋應涼而反熱冬應寒而反溫非時而邪氣是以辛苦之人一歲

之中病無少長始自一日巨陽膀胱受之巨陽者三陽之首故先受之二日陽明胃受之三日少陽膽受之未入其藏可汗之四日太陰脾受之五日少陰腎受之六日厥陰肝受之其入藏可泄之經云其未滿三日汗之而已其滿三日泄之而已故聖人論汗下大槩言之以脈分別三四日脈沉伏亦當下六七日脈浮滑亦可汗故傷寒傳足經不傳手經未詳耳且自人身十二經絡分布上下手足各有三陰三陽稟天地之氣天樞之上

同天之陽天樞之下同地之陰至真大論云身半以上其氣三矣天之分也天氣主之身半以下其氣三矣地之分也地氣主之注云當陰之分冷病歸之當陽之分熱病歸之有八節邪氣所中於人陽邪為病傳手經陰邪為病傳足經其邪自何而入自風池而入為脊骨兩傍一寸五分是十二經之俞穴春夏應陽秋冬應陰至真大論云寒暑溫涼盛衰之用其在四維故陽之動始於溫盛於暑陰之動始於涼盛於寒春夏秋冬各差其

分易云水流濕火就燥熱論云熱病者皆傷寒之類也  
人之傷於寒則為病熱熱雖甚不死太陰陽明論云陽受  
風氣陰受濕氣注云同氣相求耳又曰傷於風者上先  
受之傷於濕者下先受之注云陽氣炎上故受風陰氣

潤下故受濕蓋同氣相合耳故風熱火為陽寒濕燥為

陰刺熱論云五臟俱有熱病肝熱病左頰先赤心熱病

顏先赤脾熱病鼻先赤肺熱病右頰先赤腎熱病頤先

赤甲乙熱論云有手足太陰熱病有手足少陰熱病有

手足厥陰熱病熱論其三陰三陽五臟六府皆受病榮衛不行五臟不通則死矣未嘗則傳足經不傳手經

麻黃湯 治傷寒頭痛發熱體痛惡風無汗喘滿

又治太陽病脈浮緊無汗發熱身疼八九日不解表證在此當發其汗其人發煩目瞑必衄衄者陽氣重也

麻黃 一兩半 桂枝 一兩  
去節 去皮 甘草 半兩  
炙剉 杏仁 二十枚  
湯浸去皮尖

或濕病身煩痛小便不利者加白朮四分微汗之

右為末每服三錢水一盞半煎至八分去滓溫服不

計時候衣覆以取汗

桂枝湯 治傷寒發熱惡寒乾嘔頭痛太陽中風陽浮陰弱解肌脈浮緊鼻鳴者

桂枝

三分  
去皮

芍藥

三分

甘草

三分

右劉如麻豆大每服五錢水一盞半生薑三片棗三箇煎至七分不計時候

小青龍湯 治傷寒表未罷心下有水氣乾嘔發熱而咳或渴利小便不利小腹滿喘



麻黃

去節湯炮去黃汗焙乾三錢利者去麻黃如羌花彈子大噎者去麻黃加附子

右剉如麻豆大每服五錢水一大盞煎至半盞生薑棗同煎不計時候溫服

瓜蒂散 治傷寒表證罷邪熱入裏結於胸中項滿而飢不能食四肢微厥而脈乍緊者宜以吐之經云在上吐之在下洩之

瓜蒂 赤小豆

等分

右為末香豉半合

豆豉是也

水一盞半煮取汁半盞調下

錢七不吐加服

五苓湯

五苓散是也

治傷寒中暑大汗後胃中乾煩躁不得

眠脈浮小便不利微熱煩渴及表裏俱熱飲水反吐

名曰

水逆或攻表不解當汗而反下之利不止脈浮表不解自

利或一切留飲不散水停心下并兩感中濕而昏躁霍

亂吐瀉驚風

猪苓

去皮

茯苓

去皮

白朮

各半兩

桂

一分

澤瀉

一兩

右為末每服二錢熱湯調下愈妙加滑石二兩甚佳

喘嗽煩心不得眠者加阿膠半兩枯夏月大暑新水  
調服立愈

宣明方論卷五

欽定四庫全書

宣明方論卷六

金 劉完素 撰

傷寒方

抵當湯 治傷寒日深表證乃甚畜熱下焦脉微沈不  
結胸發狂者小腹脹而硬小便自和者瘀血證也小便  
不和無血也或陽明畜熱內甚而喜忘或狂大便雖硬  
而反易其色黑者有畜血也無表裏證但發熱日深脉

雖浮者亦可下之或已下後脉數胃熱消穀善飢數日不大便有瘀血也

桃仁

七個

大黃

一分

水蛭

炒

蜚蠊

各十個

去翅足炒

右剉如麻豆大分作二服水一盞煮半盞絞去滓溫服未下再服

抵當丸 治傷寒有熱小腹滿小便不利者為有血也當下之不可餘藥

桃仁

八分

大黃

一分

水蛭

炒

蜚蠊

各七

依前炒

右為末蜜和作二丸用水一小盞煮一九至六分溫服  
服時血未下再服

大承氣湯 治表裏俱熱病勢更甚者陽明脉遲汗出不惡寒身裏煩燥時或作譫語如見鬼狀劇者發則不識人循衣摸牀惕而不安微喘直視陽明裏熱極甚或吐下後不解大便五六日至十餘日日晡潮熱心胃燥熱而懊懷復如瘧狀脉沈實或小便不利大便乍難乍易喘冒不能卧或腹滿實痛煩渴譫妄脉實數而沈裏

熱燥甚腸胃怫鬱留飲不散胸腹高起痛不可忍但嘔  
冷夜大渴反不能飲強飲不能止喘急悶者

大黃

半兩

芒硝

半兩

厚朴

半兩

去皮枳實

半兩

右剉如麻豆大分半水一盞半生薑三片煎至六分

內

音納

硝煎去滓服

小承氣湯

治傷寒日深恐有燥屎腹中轉失乃可攻

之不轉失者必初硬後溏未可攻之攻之則腹滿不能  
食飲水而噦其後發熱大便復硬若腹大滿不通或陽



明多汗津液外出腸胃躁熱大便必硬而譫語脉滑吐  
下微煩小便數大便結或下利譫語脉滑病二三日脉  
弱無太陽證柴胡證煩心心下結至四五日雖能食少  
少與承氣湯和之令小安

大黃

半兩

厚朴

三錢

枳實

三錢

右剉如麻豆大分作二服水一盞生薑三片煎至半  
盞絞汁服未利再服

調胃承氣湯

治諸發汗和解不惡寒但發熱蒸蒸然

者或日深心下溫溫欲吐胸中痛大便溏腹滿鬱鬱微煩先此時吐下者或日深裏熱譫語法當下之以銀粉巴豆燥熱大毒丸藥下之致真陰損虛邪熱轉甚因而協熱下利不止及表裏熱下之太早乘虛而入不成結胸但為熱利不止滿鞭或痛煩渴咽乾脉滑數而實諸腹滿實痛者煩渴譫妄小便赤大便鞭脉滑實緊

大黃 芒硝 甘草

各等分

右剉如麻豆大分一半水一大盞煎至半盞絞去滓

內硝煎不利再煎服

三一承氣湯 治傷寒雜病內外所傷日數遠近腹滿  
煩亂魘噤譫妄心下按之硬痛小便赤澀大便沉滯肺  
痿痞或積久而為滑泄熱甚喘咳悶亂驚悸狂噪反覆  
甚至舌腫喉痺癰瘍陽明胃熱發斑脉沈可下者小兒  
惡風驚涎痰須喘昏寒并斑痧黑色胸膈心腹刺痛欲  
死或斑疹後熱不退久不作痂或作斑紋瘡癰久不已  
者佛熱內成疹癰堅積黃瘦痛疾久新卒暴心痛風痰

酒膈腸垢積滯久壅風熱暴傷酒食煩心悶亂脉數沈  
實或腎水陰虛陽熱獨甚而僵仆卒中一切暴音不語  
一名失音畜熱內甚陽厥極深脉反沈細欲絕或表之冲和  
正虛寒邪熱并之於裏則裏熱亢極陽極似陰反為寒  
戰脉微而絕或風熱燥甚客於下焦而大小便澁滯不  
通者或產婦死胎不下及兩感表裏熱甚須可下者

大黃

半兩  
去皮

芒硝

半兩

厚朴

半兩  
去皮

枳實

半兩

甘草

一兩

右判如麻豆大水一盞半生薑三片煎至七分內硝

煎二服去滓服

十棗湯 治太陽中風下利嘔逆短氣不惡寒熱熱汗  
出發作有時頭痛心下痞硬引下痛兼下水腫腹脹并  
酒食積脹垢積滯痞堅積畜熱暴痛瘧氣久不已或  
表之正氣與邪熱并甚於裏熱極似陰反寒戰表氣入  
裏陽厥極深脉微而絕并風熱燥甚結於下焦大小便  
不通實熱腰痛及小兒熱結乳癖積熱作發驚風潮搐  
斑疹熱毒不能了絕者

大戟

芫花

慢火炒變色仲景鄉俗異語云炒作熨下凡言熨者皆乾炒也

甘遂

各等分

右為末水一大盞棗十枚切開煮取汁半盞調半錢

已實人每一錢

茵陳湯

治陽明裏熱極甚煩渴熱鬱留飲不散以致

濕熱相搏而身發黃疸但頭汗出身無汗小便不利渴

引水漿身心發黃

宜茵陳湯謂下桂苓散

黃利大小便

茵陳蒿

一名茵陳一兩去莖

大黃

半兩

大梔子

七箇色深堅實好者稍小者用

十箇

右剉如麻豆大水二盞半慢火煮至一盞絞汁溫服以利為度甚者再作當下如爛魚肚及膿血膠髒等物及小便多出金色如皂莢汁或見證將發黃此一劑分作四服調五苓散三錢凡治發黃者無越此法妙

桂苓甘露散

一名桂苓白朮散  
一方甘草一兩半

治傷寒中暑胃風飲食

中外一切所傷傳受濕熱內甚頭痛口乾吐瀉煩渴不

利間小便赤澁大便急痛濕熱霍亂吐下腹滿痛悶及  
小兒吐瀉驚風

茯苓

一兩  
去皮

甘草

二兩  
炙

白朮

半兩  
兩

澤瀉

一兩  
桂

半兩  
去皮

石膏

二兩  
寒水石

二兩  
滑石

四兩  
猪苓

半兩

右為末每服三錢溫湯調下新水亦得生薑湯尤良

小兒每服一錢同上法

此藥下神金丸止瀉痢無不  
驗也并解內外諸邪所傷濕

熱又一方却不用猪苓  
或曰三服不計時候

梔子藥皮湯

治頭微汗小便利而微發黃者濕熱相



搏微者宜服

黃蘗

半兩

甘草

一分

大梔子

十五箇

右剉如麻豆大水三盞煎至一盞絞汁分次作一日

溫服之

梔子湯 治懊懷煩心反傷不得眠燥熱怫鬱於內而

氣不宣通胸滿痛頭微汗虛煩

大梔子

七箇剉碎

豆豉

半合俗言鹽豉少氣者加甘草一分嘔者誤以丸藥下之者加

生薑半兩或用溫湯濯手足使心胸結熱宣通而已

右剉如麻豆大或先以水二盞煮梔子至一盞半內

鼓煮至半盞絞汁溫服

凡加者皆用梔子先煮或吐止後服凡用梔子湯皆非吐

人之藥以其燥熱鬱結之甚而藥頓攻之不能開通則發熱而又吐發開鬱結則氣通津液宣行而已故

不須再服也

大陷胸湯

治汗下之後不大便五六日舌乾而渴日

晡潮熱從心至小腹脹滿而痛不可近脉當沈緊滑數或但胸結則無大段熱頭微汗出脉沈濇者水結也

大黃

三錢芒硝

三錢甘遂末

三

右剉如麻豆大分作二服每服水一盞煎大黃至六分內硝一二沸絞汁調甘遂一字七半溫服未快利再服勢惡不能利以意加服

小陷胸湯 治小結胸心下按之痛脉浮而滑無大段

熱表未罷不可下之下之即死小結胸宜服

半夏四錢湯洗全用不到生薑二錢切黃連二錢剉栝樓實大者半兩

惟剉其殼子則不到若剉其中子者非也

右以水三盞煮栝樓汁一盞半內藥至一盞絞汁兩

次溫服以効

大陷胸丸 治發熱而下之太早熱入因作結胸者項亦強如柔瘕狀下之則和也

大黃

半兩

芒硝

一分

杏仁

十二箇

去皮尖雙

葶藶

三錢

微炒

右大黃為末下葶藶杵羅研杏仁硝如泥和彈子大每服一九入甘遂末三字白蜜半匙水一盞煮至半

盞溫服當一宿許乃下未利再服

梔子厚朴湯 治傷寒下後心煩腹滿坐卧不安者

大梔子

七箇

枳實

二錢

厚朴

半兩去皮炙

右剉如麻豆大以水一盞半煮絞汁半盞溫服

檳榔散 治傷寒陰痛下之太早成痞心下痞滿而不

痛按之軟虛也

檳榔

枳殼

等分

右為末每服三錢煎黃連湯調下不計時候溫服

大黃黃連瀉心湯 治傷寒成病痞不已心腹亦實熱

煩滿或譫妄而脉沈無他證者

大黃

黃連

黃芩

各一分又一法加生薑一分甚良

右剉如麻豆大水二盞煎至一盞絞汁分三次溫服

黃連解毒湯

治傷寒雜病躁熱毒煩悶乾嘔口燥吟

呻喘滿陽厥極深畜熱內甚俗妄傳為陰毒者及汗下

吐後寒涼諸藥不能退熱勢兩感證同法

黃連

去鬚

黃蘗

黃芩

大梔子

各半兩

右剉如麻豆大每服秤半兩水一茶盞煎至四分絞

去滓溫服或腹滿嘔吐或欲作利者每服加半夏三箇

生全用 厚朴二錢剉 茯苓二錢去皮剉 用水一盞半生薑三片

煎至半盞絞汁溫服名半夏黃連解毒湯

白虎湯

加減白虎湯隨證用

治傷風自汗桂枝證表未解半斑於

裏中暑自汗脉虛弱傷寒自汗脉滑數而實表裏俱熱  
三陽合病腹滿身重口燥面垢譫語發黃厥逆自汗和  
解兩感解頭痛止自汗雜病時疫未瀉發斑兼豆疱瘡  
疹伏熱

知母

一兩半

甘草

一兩炙

粳米

一合

石膏

四兩兩末

右剉如麻豆大抄五錢水一盞煎至六分去滓溫服  
無時候日三四服或眩欬嘔者加半夏半兩紅皮半  
兩每服生薑三片煎服傷寒發汗不解脉浮者加蒼  
朮白虎湯 汗吐下後煩渴口乾脉洪大加人參半  
兩名人參白虎湯

賈同知已効方

石膏

四兩

知母

一兩

甘草

一兩

劉庭瑞已効方



知母

一兩半

石膏

四兩

粳米

一合

崔宣武已効方

知母

一兩

石膏

三兩

甘草

一兩半

右為末每服三錢水一盞入粳米二十五粒煎至六分未曾下胃熱發斑兼豆泡如液虛瘦加人參半兩白朮半兩頭疼加川芎荊芥各三錢咳嗽加半夏三錢桔梗一兩恍惚加人參三錢茯苓半兩

涼膈散

一名連翹飲子  
亦有加減法

治傷寒表不解半入於裏下證

未全下後燥熱怫結於內煩心懊懷不得眠藏府積熱  
煩渴頭昏唇焦咽燥喉閉目赤煩渴口舌生瘡欬唾稠  
粘譫語狂妄腸胃燥澁便溺澀結風熱壅滯瘡癰發斑  
驚風熱極黑陷將死

連翹

一兩

半

山梔子

兩

大黃

半

薄荷葉

兩

黃芩

半

甘草

一兩  
朴硝  
分

右為末每服二錢水一盞密少許同煎至七分去滓

溫服虛實加減咽喉痛涎嗽加桔梗一兩荊芥穗半兩嗽

而嘔者加半夏

半兩每服生薑三片同煎

血衄嘔血加當歸

半兩

藥

半兩

生地黃

一兩

淋者加滑石

四兩

茯苓

一兩去皮

風眩加芎

半兩

石膏

三兩

防風

半兩

酒毒加葛根

一兩

荊芥穗

半兩

赤芍藥

半兩

芍藥

半兩

防風

半兩

桔梗

半兩

熱甚黑陷腹滿喘急小便赤澀

而將死者此一服更加大防風湯約以下之得和者立効凡言加者皆自本方加

也以上之減退表裏熱加益元散効速

人參石膏湯

治傷寒咳嗽不已心煩及風熱頭痛精

神不利昏憤宜服

人參

錢一

石膏

兩三

芎

兩半

夏

去滑

白朮

兩半

茯苓

兩半

甘

草

錢一兩

大梔子

錢三

知母

兩半

苓

錢三

錢

右為末每服一錢水一盞生薑三片煎至六分去滓

溫服

崔宣武人參石膏湯 治傷寒頭痛心煩悶風熱并汗

後餘熱自汗多清頭目定喘嗽

人參

錢二

石膏

兩一

芎

兩一

黃芩

錢二

茯苓

錢三

甘草

兩半

防

風

錢三

右為細末每服五錢水一盞半煎至六分去滓溫服  
不計時候

雙解散 治風寒暑濕飢飽勞役內外諸邪所傷無問  
自汗汗後雜病但覺不快便可通解得愈小兒生瘡疹  
使利出快亦能氣道宣而愈

益元散 七兩 防風通聖散 七兩

右二藥一處相和名為雙解散益元散方在痢門通  
聖散方在風門各七兩攪勻每服三錢水一盞半入

葱白五寸鹽豉五十粒生薑三片煎至一盞溫服

白朮散 治傷寒雜病一切瀉煩渴霍亂虛損氣弱保  
養衰老及治酒積嘔噦

白朮

茯苓

去皮人參

各半兩

甘草

一兩半炙

木香

一分

藿香

半兩葛根

一兩

右為末白湯調下二錢煩渴者加滑石二兩甚者加  
薑汗續續飲之

四逆湯 治傷寒表熱未入裏誤以寒藥下之太早表

熱不已入裏寒下利不止因表熱裏寒自利急以溫裏  
利止又治少陰病脉沈下利厥逆煩渴嘔吐

甘草

一錢

乾薑

一分

附子

半箇生去皮臍附子以半兩者佳小者力弱大者性

惡非古方之宜也不但以美其大者要知古人之有則也

右剉如麻豆大水二盞煎至一盞絞汁溫服或畜熱  
深極而手足厥冷者不宜此方當以下之

茯苓半夏湯 治傷寒雜病一切嘔吐或喘咳疼痛痞  
滿頭痛者

茯苓

一分  
去皮

半夏

一分

生薑

一分  
取汁

一方治風痰加

黃芩

一分  
去腐

甘草

一分

紅皮

一分  
去穰

右剉如麻豆大水一盞煎至四分空心下生薑汁溫服不計時候

宣明方論卷六